

Johann Quistorp

Programma Quo Rector Universitatis Rostochiensis Johannes Quistorpius, D. & Theol. Facult. Senior, Ad exequias, Quas Coniugi suae desideratissimae Margaretae Kochs/ Maritus Moestißimus Dn. Stephanus Dobbin, Hodie in templo Mariano ad horam mediam primam parabit, Omnes Academiae Cives amanter invitat


Rostochii: Kilius, 1542 [i.e. 1642]


<http://purl.uni-rostock.de/rosdok/ppn771569300>

Druck Freier  Zugang



Quistorp, J.,
in M. Koch,
uxor S. Dobbin.
R. 1642.





PROGRAMMA
QVO
RECTOR
Vniversitatis Rostochienfis
JOHANNES QVISTOR-
PIUS, D. & Theol. Facult.



Senior.,
Ad exequias,
Quas

Conjugi suæ desideratissimæ

MARGARETÆ
ROCHS/
Maritus Mæstissimus

Dn. STEPHANVS DOBBIN,

*Hodie in templo Mariano ad horam mediam
primam parabit.*

Omnes Academiae cives aman-
ter invitat.



ROSTOCHII,

Litteris NICOLAI KILII Acad. Typog.

ANNO clō lo XLII,

294



Uamvis Ligurum
& Illyricorum
Vxoribus puer-
perium lusus sit,
quæ prægnantes
inter opus enixæ,
recens natam prolem domum fe-
runt, ut eam non peperisse, sed in-
venisse credas: Paucarum tamen
regionum mulieribus hæc contin-
git felicitas, ut ipsæ validæ sine la-
bore & dolore partum enitantur;
deprehendunt illud, *in dolore paries libe-*
ros, quod primæ omnium mortali-
um matri Evæ dictum est, ad se quo-
que pertinere. Succumbunt huic

M 2

labori

labori plurimæ, & dum vitam dant
soboli, vitam ipsæ perdunt. Do-
cent id non solum historiæ, & lon-
gi temporis experientia, sed nimis
quàm Verum id esse, septem, quod
audio, puerperæ intra quatuorde-
cim dies proximos, in partu vel sta-
tim post partum apud nos in hac
Civitate enectæ, comprobârunt.
Fatum idem & Tu MARGARE-
THA Kochs/ faminarum decus,
experta es: prole masculâ maritum
tuum, qui te ceu seipsum amabat,
mensis Februarij die vigesimo ter-
tio beabas, eundem sextiduo pòst,
mundanis rebus valedicens, in sum-
mum mærorem conjecisti. At tu
mœstissime marite, Vir ab animi
dotibus & candore commendande
Dn. STEPHANE DOBBIN,
ne

ne te ipsum luctu & querimonijs
confice; non tibi licebit ad cali gau-
dia translata, votis & lacrymis, ad
vitæ hujus ærumnas revocare, nec,
qui tuus in eam amor est, si liceret,
velles. Placuit summo numini, vin-
culum hoc, quod inter te & conju-
gem tuam desideratissimam fuit,
hoc pacto, hoc tempore dissolvere.
In hujus Voluntate ut Christianus
acquiescas, fas est. Non ego, Aca-
demiæ Cives, in piæ denatæ laudes
descendam, cujus genus & vita to-
ta encomij satis est: mori tamen id
dabo, ut pauca de illa dicam. Nata
est ea hîc Rostochij, anno millesimo
sexcentesimo decimo tertio, illo
ipso die, quo Christiana Ecclesia,
memoriã nati sui Salvatoris recolit.
Patrẽ & Matrem adhuc in vivis ha-

M 3


bet

bet: *Illum* quidem, Virum prudentissimum,
Dominum HIERONYMUM Koch/ Senato-
rem hujus urbis spectatissimum. Hanc, MAR-
GARETAM Gerdes/ Matronam honestissi-
mam & primariam. *Avus* ipsi paternus fuit
CHRISTIANUS Koch/ Senator apud Gu-
strovienfes gravissimus. *Avia* paterna
MARGARETHA Dönsteins/ sui sexus,
dum vixit, ornamentum. Avus maternus
Dominus STEPHANUS Gerdes/ hujus
Olim Republicæ Senator optimè meritis.
Avia materna CATHARINA Mecklen-
borges/ Matronalium virtutum decore or-
nata fæmina. Ex his nata parentibus & ma-
joribus denata hæc nostra, piè casteq; educa-
ta, posteaquam ad eam adolevit ætatem, ut
ad nuptias transire posset, anno 1628. die
17. Aprilis in matrimonium fuit collocata.
Juveni præstantissimo & literatissimo
Dn. STEPHANO Dobbin/ nunc viduo
mæstissimo. Qui ereptam sibi dolet conju-
gem suam, quam irruptus & sincerus amor
ita copulârat, ut dividia inter eos nunquam
fuerint, nisi cum amore & benevolentia se-
met invicem superare certarent. Suavis hu-
jus conjugij felicitatem, ut fit in rebus hu-
manis,

manis, calamitas hæc interpolavit, quod fæ-
rum unum nondum in lucem editum, & fili-
am unam ANNAM MARGARETAM,
& filium HIERONYMUM infantes ad-
modum, mors extinxerit. Veruntamen
damnum illud quinque adhuc superstites li-
beri; ALBERTUS, ANNA SOPHIA,
STEPHANUS, BALTHASAR, & NI-
COLAUS, resarciverunt. Sed eheu! hanc
quoq; ex quinq; horum liberorum supersti-
tum concessam voluptatem, ex dilectissimæ
Conjugis obitu mœror, felle & absinthio
amariorem reddidit. Ediderat denata par-
tu sic satis felici, filiolum ultimum 23. Febru-
arij in lucem, sperabat maritus, nunc viduus
mœstissimus, se post pauculas septimanas
Validam puerperam rerum suarum satagen-
tem habiturum. Sed quam citò spes illa
decollavit! Invadit eam febris vehemens,
quam diligens Medici industria, & adhibita
medicamenta superare non potuerunt, &
quæ sexto post partum die, qui erat primus
Martij, ~~hanc~~ vitâ exiit. Annisit hoc pa-
cto Maritus vitæ consortem, cui annos qua-
tuordecim comiter & concorditer convixit,
quæ liberos ad pietatem educabat, sedulam
ferum

rerum domesticarum curam agebat, & quod caput est, verbi divini amore ardebat, & precibus continuò vacabat. Hæc ut validæ & vegetæ fuerunt opera; Ita nec in lecto hærens quidquam ab his remisit. Patienter morbi vehementiam tulit, sacrosanctâ synaxi se refocillavit, precibus se, maritum, liberos, Deo commendavit, donec secundâ pomeridiana i. Martij annos nata viginti novem, vitam cum morte, vel verius mortem cum vitâ permutavit. Hoc superest Cives Academici, ut sympathiam erga viduum, & parentes mæstissimos, contestaturi, exsequias has cohonestemus. Adeste igitur hodie horâ mediâ primâ in templo Mariano, fugacitatis vitæ humanæ exemplum oculis usurpate, mente perpendite, frequentîâ vestrâ mærorem vidui tristissimi lenite, & vos ad exitum ex vitâ felicem hoc exemplo moniti, parate. P. P. Rostochij 7. Martij, Anno 1642.





GUSTAV KOCH
Buchbinderei
ROSTOCK.



ne te ipsum luctu & quer
confice; non tibi licebit ad c
dia translata, votis & lacry
vitæ hujus ærumnas revoca
qui tuus in eam amor est, si
velles. Placuit summo num
culum hoc, quod inter te &
gem tuam desideratissima
hoc pacto, hoc tempore di
In hujus Voluntate ut Chri
acquiescas, fas est. Non e
demix Cives, in piè denat
descendam, cujus genus &
ta encomij satis est: mori t
dabo, ut pauca de illa dicar
est ea hîc Rostochij, anno m
sexcentesimo decimo ter
ipso die, quo Christiana
memoriã nati sui Salvatori
Patrẽ & Matrem adhuc in

M 3

